

四庫全書

史部

欽定四庫全書

大事記續編卷十二

明 王禕 撰

漢肅宗孝章皇帝章和二年春正月壬辰帝崩於章德前殿遺詔無起寢廟二月皇太子肇即皇帝位年十歲

尊皇后曰皇太后臨朝改元

以本紀修

以遺詔用黃門侍郎

竇篤為虎賁中郎將竇瑊竇瓌為中常侍

以列傳修

三月癸

卯葬孝章皇帝於敬陵

以本紀修

解題曰呂祖謙曰章帝繼明帝之後承以寬大如解

楚淮陽之獄輕徭薄賦與天下休息所以得為賢君
然氣質甚偏若論其慈祥長者如第五倫之爭議朱
暉之爭均輸莫不溫辭慰藉如崔駰孔僖為人告訐
不特恕其罪又從而寵秩之又如郭躬之為廷尉以
寬大為上當時天下少窮民其於宗族恩意備至諸
王就封遲遲不忍使之去東平王蒼名德重望凡事
咨問此皆其長者然其短亦畧相當西都以寬大為
治體帝之天資幸而與家法合而東漢規模初未嘗

變且事在臺閣三公具員此最體統不止之大者帝
不過持循以度歲月未嘗改其規模所以東漢之治
不及西都正以有其資當機而失之故也

南單于宣死單于長之弟屯屠河立

以列傳修

庚戌鄧彪為

太傅賜爵關內侯錄尚書事百官總已以聽

以本紀修

解題曰太后臨朝竇憲以侍中內幹機密出宣誥命
兄弟並在親要之地憲以鄧彪有義讓先帝所敬而
仁厚委隨故尊崇之以為太傅其所施為輒外令彪

奏內白太后事無不從

王莽以孔光為舊相名儒天下所信太后敬之備禮事光

所欲搏擊輒為草以太后指風光令上之人厓皆莫不誅傷憲用此術也屯騎校尉桓郁

累世帝師而性和退自守故上書薦之令授經禁中所以內外協附莫生疑異餘見通鑑

辛酉尊孝章廟曰肅宗

以本紀修

諸王始就國

以列傳修

夏四月

詔郡國罷鹽鐵

以本紀通鑑修

解題曰建初六年鄭眾為大司農時議復鹽鐵官眾諫以為不可詔數切責眾執之不移又元和中穀貴

縣官經用不足朝廷憂之尚書張林上言穀所以貴由錢賤故也可盡封錢一取布帛為租以通天下之用又鹽食之急者雖貴人不得不須官可自鬻又宜因交阯上計吏往來市珍寶收采其利武帝時所謂均輸者也於是詔諸尚書通議尚書僕射朱暉奏不可事遂寢後陳事者復述林前議有詔施行暉復獨奏非明主所當行帝以林等言為然切責諸尚書暉等皆自繫獄三日出之暉稱病篤不肯復署議諸尚

書不知所為共劾奏暉帝意解寢其事

唐仲友曰西都用度奢廣

而不見其貧東京用度節約而不見其富無他西漢宰相權重體統歸一後漢宰相權輕戚官耗蠹也

詔曰昔孝武皇帝致誅胡越故權收鹽鐵之利以奉師旅之費自中興以來匈奴未賓永平末年復修征伐先帝即位務休力役然猶深思遠慮探觀舊典復收鹽鐵欲以防備不虞寧安邊境而吏多不良動失其便先帝恨之故遺戒郡國罷鹽鐵之禁縱民鑄煮入稅縣官如故事其申勅刺史二千石奉順聖旨勉

宏德化鹽鐵均輸肅宗行之甚遲疑而遺詔決然去之可見其天資之厚矣

五月京師旱

以本紀修

長樂少府桓郁侍講禁中

本北匈奴紀

饑秋七月南單于請討之

以通鑑修

侍中竇憲殺都鄉侯暢

於屯衛求擊匈奴以贖死冬十月乙亥以憲為車騎將

軍伐北匈奴

以本紀修

鮮題曰齊殤王子都鄉侯暢來弔國憂暢與步兵校尉鄧疊親屬數往來京師因疊母元自通長樂宮得

幸太后被詔召詣上東門憲懼分宮省之權遣客刺殺暢於屯衛之中而歸罪於暢弟利侯剛乃使侍御史與青州刺史雜考剛等尚書令韓稜以為賊在京師不宜舍近問遠恐為姦臣所笑太后怒以切責稜稜固執其議何敞說宋由曰暢宗室肺腑茅土藩臣來弔國憂親在武衛致此殘酷主名不立敞備股肱職典賊曹欲親至發所以糾其變而二府執事

李賢曰敞

在太尉府二府謂司徒司空

以為故事三公不與賊盜

三公之權輕如此

公縱姦慝啟請獨奏案由乃許焉二府聞啟行皆遣
主者隨之於是推舉具得事實太后怒閉憲於內宮
憲懼誅因自求擊匈奴以贖死會南單于請兵北伐
乃拜憲車騎將軍以執金吾耿秉為副發北軍五校
黎陽雍營緣邊十二郡騎士及羌胡兵出塞餘見通
鑑陳瓘曰竇憲嘗殺韓紆之子以復私怨無敢誰何
狃於前事復殺劉暢輕君自恣無忌憚如此而韓稜
以言憲見怒非何啟請往案而宋由用其議憲賊害

之迹其可得乎既得其迹不能誅也又怵其詭計勞師遠伐然則閉憲於內宮者非實怒也憲懼而請行

者非真懼也

薛季宣曰漢畧循周王畿之制訖於西京都兵無過一再出自中興郡兵不練

而南北軍交騷於境外實憲鄧鴻何熙三將以擊胡劉尚鄧隲任尚朱寵馬賢張喬將以禦羌而鮮卑之寇南單于之變亦數數移屯連年暴露由是王旅無復鎮衛之職而奔命四方之不暇又方募為陷陣徵為積射誘為義從大畧初立名號皇甫規所謂屯坐食之兵衆矣終於亡而後已

護羌校尉鄧訓擊迷唐破之

以列傳修

漢孝和皇帝永元元年春鄧訓罷屯兵

以呂祖謙標目修

袁安

任隗等諫伐匈奴不聽時又為竇憲等起邸第侍御史何敞諫不省

解題曰竇憲擊匈奴安與太尉宋由司空任隗及九卿詣朝堂上書諫書連上輒寢宋由懼遂不敢復署議而諸卿稍自欲止唯安隗守正不移至免冠朝堂固爭者十上太后不聽衆皆為之危懼安隗正色自若侍御史魯恭上疏曰陛下新遭大憂人懷恐懼今乃以盛春之月興發軍役擾動天下以事戎夷誠非

所以垂恩中國改元正時由內及外也萬民者天之所生天愛其所生猶父母愛其子一物有不得其所者則天氣為之舛錯況於人乎故愛人者必有天報昔太王重人命而去邠故獲上天之祐夫夷狄者四方之異氣也蹲夷踞肆與鳥獸無別若雜居中國錯亂天氣汙辱善人是以聖王之制羈縻不絕而已今始徵發而大司農調度不足羣僚百姓咸曰不可陛下獨何以一人之計棄萬人之命不卹其言乎臣恐

中國不為中國豈徒匈奴而已哉尚書令韓稜騎都尉朱暉議郎樂恢侍御史何敞皆上疏諫太后不從餘見通鑑陳瓘曰諫書連上宋由懼矣而安隗守正不移三公者百僚之倡也故宋由不敢書議而諸卿稍自引止安隗固爭而魯恭韓稜朱暉樂恢相繼上書

尚書僕射鄧壽以軍旅未休府藏空虛譏刺甚切憲殺

之

以列傳呂祖謙標目修

夏六月竇憲等與北單于戰於稽落山

大破之勒功燕然山

以紀傳修

解題曰唐仲友曰勒功燕然本欲藉以謀篡

徐鉉方輿志燕

然山在振武金河縣北近磧沈約宋紀山形似廬山有草無木事見通鑑

秋七月乙未會稽山崩

以本紀修

九月庚申竇憲為大將軍

位次太傅封武陽侯時篤為衛尉景璠皆侍中奉車駙

馬都尉袁安劾景擅發邊兵不報

以列傳修

解題曰景擅使乘驛施檄緣邊諸郡發突騎有才力

者漁陽雁門上谷各遣吏將送詣景第有司畏憚莫

敢言者安劾景擅發邊兵驚惑吏人二千石不待符

信而輒承檄當伏顯誅又奏司隸校尉河南尹阿附

貴戚無盡節之義請免官案罪不報餘見通鑑

南陽太守

杜詩上疏舊制發兵皆以虎符其餘徵調竹使而已
所以明著國命歛持威重也間者但用璽書或以詔
令如有姦人詐偽無由知覺可立虎符以絕姦端先
武從之則調兵之必以虎符尚矣非若高帝之討陳
狝以羽檄而徵兵也檄以木簡為書長尺二寸景擅
發兵恐諸郡弗信故乘驛施檄為是警急之狀所以
惑也

吏人驚

尚書何敞論竇氏出為濟南王太傅

以列傳修

解題曰唐仲友曰竇氏出何敞與公孫弘徙董仲舒
同敞以道義法度驕王敬憚事亦與仲舒同夫天之
相善人固也而二人之學亦足以自保況弘憲出於
有心而二王初無心耶驕王可以道輔亦可以見性
無有不善者矣化百姓特餘事耳事見通鑑

是歲大水

以本
紀修

漢孝和皇帝永元二年春二月壬午日有食之

以本
紀修夏

五月丙辰封弟三人為王

以本
紀修

竇憲遣兵取伊吾盧地

以本紀修

丁卯封齊武王繡孫無忌為齊王威為北海王

以紀

傳修

月氏攻班超超擊降之

以本紀修

封竇憲為冠軍侯篤景

瓌皆為列侯憲辭不受

以列傳修

秋七月乙卯竇憲屯涼州

本紀

九月北匈奴遣使稱臣

以本紀修

冬十月南單于擊北匈奴

奴大破之

以本紀修

漢孝和皇帝永元三年春正月甲子帝加元服賜王公

以下金帛賜民爵及粟帛

以本紀列傳修

二月竇憲遣左校尉

耿夔圍北單于於金微山大破之

以本紀修

鮮卑據北匈奴

地以列傳修袁安任隗奏劾二千石四十餘人竇氏恨之以列

傳修竇憲殺尚書僕射樂恢以呂祖謙標目修

鮮題曰唐仲友曰恢不忍素餐去之可也力諫而繼之以死可以為忠未可以為中道均死也死於家不如死於職蓋在職則未必害何敞韓稜是也事見通鑑

冬十月帝幸長安竇憲來會十一月祠陵廟以本班紀修超

定西域十二月以為西域都護復置騎都尉戊巳校尉

以紀傳修

庚辰帝還宮

以本紀修

漢孝和皇帝永元四年春正月用竇憲議立北匈奴右

谷蠡王於除鞬為單于使中郎將任尚屯伊吾如南單

于故事

以紀傳修

三月袁安薨

以本紀修

解題曰陳瓘曰徐齟方以刺客恐周榮而袁安遽亡

悲夫事見通鑑

閏月太常丁鴻為司徒

以本紀修

夏四月丙辰竇憲還

以本紀修

六月戊戌朔日有食之

以本紀修

地震

以本紀修

竇憲謀逆帝與

鉤盾令鄭衆謀庚申幸北宮勒兵屯南北宮遣憲及其弟篤景瓌就國憲篤景尋皆伏誅併誅長樂少府郭璜

衛尉鄧疊等

以紀傳表宏漢紀
呂祖謙標目修

解題曰憲既負重勞陵肆滋甚封鄧疊與其弟步兵

校尉磊及母元又憲女壻射聲校尉郭舉舉父長樂

少府璜

紀載璜為射
聲校尉誤也

皆相交結元舉並出入禁中舉

得幸太后遂共圖為殺害帝陰知其謀乃與近幸中

常侍鄭衆定議誅之以憲在外慮其懼禍為亂忍而

未發會憲及鄧疊班師詔使大鴻臚持節郊迎憲等

既至帝乃幸北宮詔執金吾五校尉勒兵屯衛南北

宮以司徒丁鴻行太尉兼衛尉屯南北宮

按百官志本注南宮

南屯司馬主平城門北宮門蒼龍司馬主東門玄武

司馬主玄武門北屯司馬主北門北宮朱爵司馬主

南掖門東明司馬主東門

朔平司馬主北門凡七門閉城門收捕疊磊璜舉皆

下獄誅遣謁者僕射收憲大將軍印綬更封為冠軍

侯憲及薦景瓌皆遣就國帝以太后故不欲名誅憲

選嚴明相督察之憲薦景到國皆迫令自殺餘見通

鑑唐仲友曰惜乎憲誅在素安既薨之後使安預誅
憲之謀則事體正可以收還三公之權矣

前中郎將班固下獄死

以列傳修

解題曰固著漢書其八表及天文志未及竟而卒帝
詔固女弟昭就東觀藏書閣踵而成之唐仲友曰馬
遷世為史官其法直班固出於外戚其法婉

以鄭衆為大長秋

以紀傳表宏漢紀
呂祖謙標目修

解題曰宦官用權自此始

秋七月己丑宋由自殺

以本紀修

解題曰按袁宏漢紀竇氏既廢天子追覽前議嘉素安之忠知宋由之不正也乃策免由餘見通鑑袁安任隗力持正議而由依違其間人莫不以由為得計而為安隗危之也然由不免於死而安隗之嗣各被褒錄然則為臣而不忠者亦果何所利哉

八月辛亥任隗薨

本紀

解題曰隗義行內修不求名譽而以沈正見重於世

竇憲擊匈奴國用勞費隗奏議徵憲還前後什上獨與袁安同心畢力持重處正鯁言直議無所回隱

鄧彪辭錄尚書事癸丑大司農尹睦為太尉錄尚書事

冬十月以宗正劉方為司空

以本紀修

漢孝和皇帝永元五年春正月乙亥宗祀明堂登靈臺

以本紀修

二月戊戌詔省減內外廐及涼州諸苑馬京師離

宮上林廣成園以假貧民

以本紀修

解題曰唐仲友曰和帝以苑園假貧民遣使賑廩勸

民蓄䟽食官陂池得采取皆一時惠政但不久遠耳

封弟為王

紀以本修

甲寅鄧彪罷

紀以本修

解題曰唐仲友曰彪孟子所謂鄉原之類也為大臣不能正論則焉用彼相矣事見通鑑

三月庚寅遣使者賑貧民

紀以本修

夏六月丁酉雨雹大如

雁子

漢紀以本修

秋九月於除鞬單于叛歸北庭遣任尚討

滅之

紀以本修

解題曰范曄曰漢初遭冒頓凶黠種衆強熾高祖威

加四海而窘平城之圍太宗政鄰刑措不雪憤辱之
恥逮孝武亟興邊畧赫然命將候列郊甸火通甘泉
而猶鳴鏑揚塵出入畿內至於窮竭武力單用天財
厯紀歲以攘之寇雖頗折而漢之疫耗畧相當矣宣
帝值虜庭分爭呼韓邪來臣乃權納懷柔因為邊衛
罷關徼之倣息兵民之勞龍駕帝服鳴鐘傳鼓於清
渭之上南面而朝單于朔易無復匹馬之蹤六十餘
年矣後王莽陵篡擾動戎夷續以更始之亂方夏幅

裂自是匈奴得志狼心復生乘間侵軼害流傍境及
中興之初更通舊好而單于驕踞益橫內暴滋深世
祖以用事諸華未遑沙塞之外忍愧思難徒報謝而
已因徙幽并之民增邊屯之卒及關東稍定隴蜀已
清其猛夫悍將莫不頓足攘手爭言衛霍之事帝方
厭兵間修文政未之許也其後匈奴爭立日逐來奔
願修呼韓之好以禦北狄之衝奉藩稱臣永為外扞
天子總攬羣策和而納焉乃詔有司開北鄙擇肥美

之地量水草以處之馳中郎之使盡法度以臨之制
衣裳備文物加璽紱之綬正單于之名於是匈奴分
破始有南北二庭焉讐釁既深互伺便隙控弦抗戈
覘望風塵至於陷潰創傷者靡歲或寧而漢之塞地
晏然矣後亦頗為出師并兵窮討命實憲耿夔之徒
前後並進皆用果譎設奇數異道同會究掩其窟穴
躡北追奔三千餘里遂破龍祠焚薊幕阬十角桔闕
氏銘功封石倡呼而還單于震懾屏氣蒙氈遁走於

烏孫之地而漢北空矣若因其時執及其虛曠還南虜於陰山歸河西於內地上申光武權宜之畧下防戎羯亂華之變使耿國之筭不謬於當世袁安之議見從於後王平易正直若此其弘也而竇憲矜三捷之效忽經世之規狼戾不端專行威惠遂復更立北虜反其故庭並恩兩護以私己福棄茂天公坐樹大鯁永言前載何恨憤之深乎自後經綸失方叛服不一其為疾毒胡可單言降及後世翫為常俗終於吞

噬神鄉邱墟帝宅嗚呼千里之差興自毫端失得之源百世不磨矣

冬十月尹睦薨十一月乙丑太僕張酺為太尉

以本紀修

歲護羌校尉貫友討燒當羌羌遠徙

以本紀修

南單于屯屠

何死單于宣弟安國立

以列傳修

漢孝和皇帝永元六年春正月度遼將軍朱徽使中郎

將杜崇殺安國立單于適之子師子

以本紀修

己卯丁鴻薨

二月丁未以劉方為司徒太常張奮為司空

以本紀修

三月

詔舉賢良方正直言極諫選補郎吏

紀以本修

秋七月京師

旱詔減中都官徒丁已帝幸洛陽寺錄囚徒未還宮而

雨

紀以本修

班超大破焉者尉犂斬其王

紀以本修

解題曰唐仲友曰班超開西域二十二年然後成功

蓋久任之效若任之不終則累年之功一旦皆喪矣

事見通鑑按素宏漢紀永元中班超遣掾甘英臨大

海而還具葱嶺西諸國地形風俗自燉煌西出玉門

陽關北通伊吾千餘里自伊吾北通車師前部高昌

壁千二百里自高昌壁北通後部五百里是匈奴西域之門也伊吾北有柳中皆膏腴之地故漢與匈奴爭伊吾盧以制西域鄯善國去洛陽七千一百里北通車師前後王及東且彌卑陸蒲類移支是為車師六國北與匈奴接前部西通焉耆北道後部西通烏孫漢欲隔絕西域匈奴必屯田伊吾焉耆去洛陽八千二百里東南與山離接其餘危須尉黎龜茲姑墨溫宿疎勒休修大宛康居大月氏安息大秦烏戈屬

賓莎車于闐且彌諸國轉相通大月氏去洛陽萬六千三百七十里其東南數千里通天竺天竺一名身毒臨大水西通大秦從月氏南至西海東至盤越國皆身毒地又有別城數十置王而皆總名身毒西域之遠者安息國也去洛陽二萬五千里北與康居南與烏戈山離接地方數百西至條支馬行六十日臨海暑熱卑濕與西海接自安息西至阿蠻三千四百里自阿蠻西至斯賓國渡河西南至于羅國九百六

十里安息西界極矣其南乘海乃通大秦大秦一名
黎軒在海西漢使皆自烏弋還莫能通條支者甘英
踰懸度烏弋山離抵條支臨大海乃止大秦地方數
千自交州塞外檀國諸蠻夷相通又一道與益州塞
外通其長老或傳言其國西有弱水近日入所矣又
云從安息陸道繞海北行出海西至大秦人庶連屬
十里一亭三十里一署無盜賊而有猛虎獅子遮食
又言旁國渡海飛橋數百里山離還自條支東北通

烏弋山離可百餘日行而烏弋山離屬賓莎車于寘
寧彌諸國相接遠者二萬一千里近者萬餘里焉

降胡二十餘萬人立單于屯屠何之子逢侯為單于亡
出塞九月遣車騎將軍鄧鴻等追之不及冬十一月護

烏桓校尉任尚大破之以紀傳修以大司農陳寵為廷尉以列

傳通鑑修

漢孝和皇帝永元七年春鄧鴻坐逗留朱徽杜崇坐失

胡和下獄死以紀傳修夏四月辛亥朔日有食之以本紀修引公

卿問得失選郎補長相

以本紀修

秋九月癸卯京師地震

以本

紀修

漢孝和皇帝永元八年春二月立貴人陰氏為皇后

以本

紀修

解題曰袁宏曰原鹿侯識曾孫也

夏五月蝗

以本紀修

南單于右溫禺犢王入寇秋七月行度

遼將軍龐奮等討斬之

以本紀修

冬十二月丁巳南宮宣室

殿火

以本紀修

漢孝和皇帝永元九年春三月庚辰隴西地震

以本紀修夏

六月旱蝗除田租及山澤稅

以本紀修

秋八月鮮卑寇肥如

本紀

解題曰李賢曰肥如縣屬遼西郡前書音義曰肥子

奔燕封於此今平州也

閏月辛巳皇太后竇氏崩

以本紀修

燒當羌寇隴西遣將軍

劉尚等討破之

以本紀修

九月庚申劉方免自殺

以本紀修

甲子

追尊梁貴人為皇太后冬十月乙酉改葬之追封其父

竦為褒親愍侯竦子三人為侯

紀以傳

十一月癸卯以光

祿勲呂蓋為司徒

紀以本

十二月丙寅張奮罷壬申以太

僕韓稜為司空

紀以本

漢孝和皇帝永元十年夏五月京師大水

紀以本

秋七月

韓稜薨八月丙子以太常巢堪為司空

紀以本

冬十二月

燒當羌詣闕貢獻

紀以本

南單于師子死單于長之子檀

立

紀以本

漢孝和皇帝永元十一年春二月遣使循行稟貸被災

者除山澤稅

以本紀修

漢孝和皇帝永元十二年春二月詔貸被災民種糧賜

下貧鰥寡孤獨者

以本紀修

三月詔賜三老力田及天下男

子爵有差鰥寡孤獨貧瘡者

以本紀修

夏四月象林蠻反

以本紀修

紀修

解題曰李賢曰象林縣屬日南郡今林邑國

閏月戊辰秭歸山崩

本紀

解題曰李賢曰秭歸縣屬南郡古之夔國今歸州也

秋七月辛亥朔日有食之九月戊午張黼免丙寅以大

司農張禹為大尉

以本紀修

解題曰黼以事與司隸校尉晏稱會於朝堂黼從容謂稱曰三府辟吏多非其人稱歸即奏令三府各實其掾吏黼本以私言不意稱奏之甚恨會復共謝闕下因責讓稱稱語不順黼廷叱之稱乃劾奏黼有怨言詔朝臣會議司徒呂蓋奏黼知公門有儀反作色大言怨讓使臣於是策免唐仲友曰三公固失體司

隸亦烏得無罪而酺以策免漢之重刺舉輕三公也甚矣

漢孝和皇帝永元十三年春正月丁丑帝幸東觀

以本紀修

秋八月己亥北宮盛饌門閣火

以本紀

護羌校尉周鮪擊燒

當羌破之

以本紀

秋九月壬子詔田租畝藁半入

以本紀修

冬十

一月丙辰詔緣邊舉孝廉

以本紀修

鮮卑寇右北平漁陽

以本

紀修戊辰呂蓋請老十二月丁丑以光祿勳魯恭為司徒

以本紀修

漢孝和皇帝永元十四年春安定降羌反二月繕西海

郡徙金城西部都尉戍之

以傳紀修

解題曰陳瓘曰迷唐既死其子既降之後西海榆谷

無復羌寇曹鳳請乘此時建復西海郡可謂時然後

言功垂立而不成惜哉事見通鑑

方輿志榆中縣故城在蘭州五泉縣

東

三月戊辰帝臨辟雍饗射

以本紀修

夏五月丁未初置象林

將兵長史

以本紀修

鮮題曰闕駟十三州志曰將兵長史居在日南郡又有將兵司馬薛季宣曰明帝之初罷沿邊屯兵其後北胡有變則置度遼營南蠻或變則置象林兵羌犯三輔則置長安雍二營鮮卑寇居庸則置漁陽營其後盜作緣邊緣海稍稍增兵而扶風漢陽三百塢魏郡常山六百十六塢置屯多矣

六月辛卯廢皇后陰氏后父特進綱自殺后以憂死

紀以

傳秋充豫荆雨水

以本紀修

徵班超為射聲校尉以戊己校

尉任尚代之

以列傳修

解題曰葉適曰班超以三十六人開西域不費漢兵積三十年事成功立古所未有也古之人材必在分限之內上自禹稷下至方召勤智慮縻歲月至能成天地不及之功然未有踰分超限者雖春秋時尚然及蘇張資揣摩之學韓彭起飄揚之思張騫陳湯鑿空外國而後世乃有分外人材劉向云千里之鎬猶以為遠况萬里之外其勤至矣然不知千里為分限

之內而欲與陳湯較其短長向之論蓋失正矣其後
愈降分內者枯竭不繼分外者誕謾不酬則亦安所
戾止耶事見通鑑

冬十月詔三州田租芻藁半入

以本紀修

辛卯立貴人鄧氏

為皇后

以本紀修

解題曰袁宏曰鄧訓女也

丁酉巢堪免十一月癸卯以大司農徐防為司空

以本紀修

是歲封鄭衆為鄴鄉侯

以呂祖謙標目修

漢孝和皇帝永元十五年夏四月甲子晦日有食之

以本

紀修

秋九月壬午帝南狩

以本紀修

雨水

以本紀修

冬十月幸章陵

進幸雲夢十一月甲申還宮

以本紀修

詔太官勿受獻

以列傳修

是歲初令郡國以日北至按薄刑

以本紀

漢孝和皇帝永元十六年秋七月旱

以本紀修

辛酉魯恭免

唐午以光祿勳張酺為司徒

以本紀修

辛巳詔田租芻藁皆

半入

以本紀修

八月己酉張酺薨冬十月辛卯以徐防為司

徒大鴻臚陳寵為司空

以本紀修

十一月帝幸緱氏

以本紀修

北

匈奴請和親

以紀傳修

漢孝和皇帝元興元年春戊午選三署郎補長相

以本紀修

高句驪寇遼東

以紀傳修

夏四月改元

本紀

冬十二月辛未帝

崩於章德前殿

解題曰自竇憲誅後帝躬親萬幾每災異延問公卿

極言得失前後符瑞八十一所自稱德薄皆抑而不

宣舊南海獻龍眼荔枝奔騰阻險死者繼路時臨武

長唐羌上書陳狀帝下詔太府勿復受獻由是遂省

馬唐仲友曰論此規模猶有無逸之風而史不載何耶

皇后廢長子勝立少子隆為皇太子即皇帝位生百餘日矣賜三老孝悌力田天下男子爵有差鰥寡孤獨貧

瘠者粟尊皇后曰皇太后臨朝

以本紀修

漢孝殤皇帝延平元年春正月辛卯以張禹為太傅徐防為太尉參錄尚書事百官總已以聽

以本紀修

封皇兄勝為

平原王

以本紀修

癸卯以光祿勳梁鮪為司徒

以本紀修

三月甲

申葬孝和皇帝於慎陵

以本紀修

鮮題曰劉攽曰紀書葬慎陵李賢注云俗本作順陵者誤按皇后紀和熹皇后合葬順陵以為后紀誤而靈帝父孝仁皇稱慎陵世數不遠陵名必不相齟齬校前後孝和實葬順陵言慎乃更為誤耳

遣清和王慶就國留其子祐於邸

以本紀傳修

夏四月庚申罷

祠官不在祀典者

以本紀修

鮮卑寇漁陽

以本紀修

丙寅以虎賁

中郎將鄧騭為車騎將軍儀同三司騭弟黃門侍郎悝

為虎賁中郎將弘閭皆侍中

以本紀通鑑修

陳寵罷

本紀

五月壬

辰河東垣山崩

本紀

解題曰李賢曰垣今絳州縣

六月丁未以太常尹勒為司空

以本紀修

雨水己未詔減服

御珍膳靡麗之物丁卯免宗室没入者及遣掖庭宮人

以本紀修

秋八月辛亥帝崩太后與兄隲等定策禁中迎清

河王子祐封為長安侯癸丑即皇帝位太后臨朝

以呂祖謙

修標目

解題曰胡寅曰立天下之主當與三公大臣共議選
建賢明豈一家之私哉而乃定策禁中公卿不與假
如立非其人則無由改悔清河王慶章帝長子嘗正
位儲宮廢不以罪年齒益長過失不聞於是迎立以
主漢祚豈不善哉而鄧太后終利幼弱欲久臨朝至
安帝年二十八猶不歸政故自永初而後地震雨水
日食風雹之變歲不絕書母氏常隆闇尹得志接乎
桓靈而漢祚遂滅矣事見通鑑

檢勅外戚賓客

以呂祖謙
標目修

九月大水

以本
紀修

葬孝殤皇帝

於康陵

以通
鑑修

西域反圍任尚徵尚還以騎都尉段禧代

之

以呂祖謙
標目修

冬十月大水雨雹

以本
紀修

十二月甲子清河

孝王慶薨

以呂祖謙
標目修

乙酉罷魚龍曼延百戲

通
鑑

大事記續編卷十二

欽定四庫全書

大事記續編卷十三

明 王禕 撰

漢孝安皇帝永初元年春二月丙午以廣成游獵地被

災郡國公田假貧民

以本紀修

解題曰李賢曰廣成在今汝州葉縣西

二月庚午梁鮪薨

以本紀修

三月癸酉日有食之

以本紀修

解題曰本志曰月二日也

夏四月封三公及鄧騭兄弟為列侯騭等辭不受

以列傳修

五月甲戌以長樂衛尉魯恭為司徒

本紀

六月壬戌罷西

域都護及伊吾屯田

以紀傳修

燒當先零種羌反遣鄧鵠征

西將軍任尚討之丁卯赦諸羌

以紀傳修

解題曰續漢書種羌九千餘户在隴西臨洮谷

秋九月庚午以災異免徐防辛未以雨水免尹勤

以本紀及

傳修

解題曰王安石曰世祖能馭大臣所以威名不減於

高祖至於為子孫慮則不然反以元成之後三公之

任多脅於外戚豎官廩帷近習之人而致敗由是置三公之任而事歸臺閣臺閣之臣位卑事冗無所統一而奪於衆多之口此其為脅於外戚豎官廩帷近習者愈矣至於治有不進水旱不時災異或起則曰三公不能變理陰陽而策免之甚者至於誅死豈不痛哉

壬午詔減黃門鼓吹廐馬半食

以本紀修

庚寅以張禹為太

尉太常周章為司空

以本紀修

解題曰漢官儀曰章字次叔荊州隨縣人也

鄭衆等預政周章欲廢帝而立平原王勝冬十一月丁

亥策免章自殺

以本紀修

解題曰殤帝崩羣臣以平原王勝疾非痼意咸歸之
太后以前既不立恐後為怨乃立清河孝王子祐章
以衆心不附遂密謀閉宮門誅大將軍鄧騭兄弟及
鄭衆蔡倫劫尚書廢太后於南宮封帝為遠國王而
立平原王事覺策免餘見通鑑唐仲友曰章為大臣

欲盡持危扶顛之道當於議立君之時議之如其不合而死不失為忠正今不廷爭之於先而行險以僥倖成則兆亂敗則為賊終亦不免而已矣故曰非死之難處死之難也

是歲地震雨水大水大風雨雹

以本紀修

漢孝安皇帝永初二年春正月鄧騭為鍾羌所敗

以通鑑修

解題曰自爰劒後子孫支分凡百五十種其九種在賜支河首及在蜀漢徼北其五十二種衰小不能自

立其八十九種唯鍾最强勝兵十餘萬其餘大者萬餘人小者數千人盛衰無常順帝時勝兵合可二十萬人發羌唐旄等遠未嘗往來釐牛白馬在蜀漢其種名號皆不可紀知也

夏五月旱丙寅皇太后幸洛陽寺若盧獄錄囚徒即日

降雨

以本紀表
宏漢紀修

六月大水大風雨雹

本紀

冬十月任尚與

先零羌戰於平襄敗績

以本紀修

解題曰李賢曰平襄縣屬天水郡故襄戎邑

十一月辛酉徵鄧騭為大將軍

以朱熹綱目修

解題曰左校令龐參坐法輪作若盧使其子俊上書
曰方今西州流民擾動徵發不絕水潦不休地力不
復重之以大軍疲之以遠戍農功消於轉運資財竭
於徵發臣愚以為萬里運糧遠就羗戎不若總兵養
衆以待其疲車騎將軍騭宜且振旅留征西校尉任
尚使督涼州士民轉居三輔休徭役以助其時止煩
賦以益其財令男得耕種女得織紵然後蓄精銳乘

懈沮出其不意攻其不備則邊民之仇報奔北之恥
雪矣書奏會樊準上疏薦叅太后即擢叅於徒中召
拜謁者使西督三輔諸軍屯餘見通鑑陳瓘曰叅之
言如此雖欲無用得乎

先零羌滇零稱天子寇三輔犯趙魏入益州

以本紀修

是歲

地震

以本紀修

漢孝安皇帝永初三年春正月帝加元服

以本紀修

遣騎都

尉任仁討先零羌不利

以本紀修

三月京師大饑民相食

本紀

壬寅魯恭免

以本紀修

解題曰葉適曰魯恭政理足以致物應而居公位不能弭陰陽之變史稱在位不以亮直稱自為三公常稱病不視事豈固欲蹈明哲保身之計耶其諫伐匈奴論立秋行刑援引根據蓋深於經者也唐仲友曰以恭之德行經學近於王者之佐及為三公乃無可書以是知任而無權與不任等耳

夏四月三公以國用不足奏令吏人入錢穀為關內侯

虎賁郎以下有差

以本紀修

六月烏桓寇代郡上谷涿郡

以本紀修

秋七月海賊張伯路等寇濱海九郡遣侍御史龐雄督

州郡兵擊之

以本紀通鑑修

九月雁門烏桓及鮮卑反

以本紀修

冬

十月南單于反十一月遣行車騎將軍何熙討之

以本紀修

十二月乙亥有星孛於天苑

以本紀修

是歲地震雨水并涼大

饑

以本紀修

漢孝安皇帝永初四年春正月元會徹樂

以本紀修

辛卯除

三輔逋租過更口筭芻藁

以本紀修

張伯路攻厭次遣御史

中丞王宗督幽冀兵破之

以紀傳修

解題曰厭次本富平漢明帝更名今棣州所治

度遼將軍梁懂等破南單于於屬國故城

以本紀修

丙午詔

減百官及州縣俸

以本紀修

二月南匈奴寇常山

以本紀修

乙丑初

置長安雍二營都尉

以本紀修

詔謁者劉珍等校定東觀五

經諸子百家

以本紀修

解題曰鄧太后使珍與校書劉駒駘馬融及五經博

士校定東觀五經諸子傳記百家藝術整齊脫誤是

正文字順帝永和元年復詔侍中伏無忌無與議郎
黃景校定中書五經諸子百家藝術

三月南單于降

紀本

先零羌寇褒中徵任尚還

以列傳修

解題曰羌寇轉盛兵費日廣龐參奏記於鄧騭曰比
年羌寇特困隴右官負人債數十億萬今復募發百
姓調取穀帛千里轉糧遠給武都西郡塗路傾阻難
勞百端縣官不足輒貸於民名救金城而實困三輔
三輔既困復為金城之禍矣夫拓境不寧無益於疆

多田不耕何救飢敝故善為國務懷其內不求外利
務富其民不貪廣土三輔民庶稀疏故縣邱城可居
者多今宜徙邊郡不能自存者入居諸陵田戍故縣
此善之善者也隲欲棄涼州并力北邊乃會公卿集
議隲曰譬若衣敗壞一以相補猶有所完若不如此
將兩無所保護者咸同郎中虞詡說太尉李修曰先
帝開拓土宇劬勞而後定而今憚小費舉而棄之涼
州既棄即以三輔為塞園陵單外此不可之甚也諺

曰關西出將關東出相觀其習兵壯勇實過餘州今
羗胡所以不敢入據三輔者以涼州在後故也其土
人所以推鋒執銳無反顧之心者為臣屬於漢故也
若棄其境域徙其人庶安土重遷必生異志如使豪
雄相聚席卷而東雖賁育為卒太公為將猶恐不及
當議者喻以補衣猶有所完詡恐其疽食浸淫而無
限極禹曰然則計當安出詡曰今涼土擾動人情不
安竊憂卒然有非常之變誠宜令四府九卿各辟彼

州數人外以勸厲答其功勤內以拘致防其邪計修

善其言更集四府皆從詡議

李賢曰四府謂太傅太尉司徒司空按時無太

傅蓋太尉司徒司空大將軍也

於是辟西州豪傑為掾屬拜牧守長

吏子弟為郎以尉安之鄧騭以詡異其議因此不平欲以吏法中傷詡乃以為朝歌長觀後此永建元年

龐參為大鴻臚詡薦參有宰相器能夫棄涼州之議

參實發之也鄧騭以議論不同而惡虞詡詡不以議

論不同而沮龐參用心之廣狹可以觀矣

崔烈欲棄涼州傳變

論亦同李賢曰襄中縣屬漢中郡今梁州
褒城縣古褒國也餘見初平二年解題

徙金城於襄武

紀以本修

解題曰李賢曰襄武縣屬隴西郡今渭州縣

戌子杜陵園火

紀以本修

夏四月蝗

紀本

冬十月鄧騭罷

紀以本修

是歲地震大水

紀以本修

漢孝安皇帝永初五年春正月庚辰朔日有食之

紀本

丙

戌地震已丑張禹免

紀以本修

二月先零羌寇河東河內

紀本

紀修

三月詔徙隴西安定北地上郡於襄武美陽池陽衙

以本
紀修

解題曰杜佑通典漢隴西郡治狄道縣今金城郡縣
安定治臨涇美陽在今京兆三原縣漢上郡治膚施
縣今上郡龍泉縣衙今白水縣李賢曰北地郡今寧
州池陽故城在涇州縣北

高句驪冠玄菟

以列傳
通鑑修

夏閏四月青州刺史法雄擊張

伯路斬之

以通
鑑修

是歲蝗雨水

以本
紀修

漢孝安皇帝永初六年春正月甲寅皇太后與皇帝祭

於宗廟大臣命婦相

以袁山松謝沈書古今注修

解題曰謁者劉珣上言曰永平初梁松言皇太后宜入廟與陛下交獻以彰至孝之心孝明皇帝使公卿博士議特太傅鄧禹奏宜如松言光烈皇后於是入廟皇太后宜入宗廟如光烈皇后故事事下公卿僉曰宜如珣言李賢曰續漢志袁山松謝沈書皆云六年正月甲寅范紀七年庚戌疑誤

三月蝗

以本紀修

夏四月詔紹封鄧禹等後九人為侯

以袁宏漢

紀修

五月旱丙寅復羣吏秩賜爵有差

以本紀及表
宏漢紀修

六月

壬辰豫章員谿原山崩

本紀

是歲滇零死子零昌自立為

天子

以本
紀修

漢孝安皇帝永初七年春二月地震

以本
紀修

夏四月乙未

平原懷王勝薨

以本
紀修

丙申晦日有食之

本紀

秋護羌校尉

侯霸等破先零羌

以本
紀修

八月京師大風蝗

以本
紀修

漢孝安皇帝元初元年春正月改元

以本
紀修

三月日有食

之

以本
紀修

屯兵河內作塢壁以備羌

以通
鑑修

夏四月旱蝗

以本

紀修

五月先零羌寇雍城

本紀

解題曰郡國志右扶風有雍縣又後魏太武於鳳翔府天興縣東五里築雍城鎮今據方輿志滇零寇及雍城注今懷州北有故城時方屯兵河內以備羌則是懷州之雍城非扶風之雍城也

秋九月羌寇武都漢中

以本紀修

冬十月戊子朔日有食之

紀本

乙卯詔除三輔田租更賦口筭三歲

以本紀修

是歲地震

以通鑑修

漢孝安皇帝元初二年春二月詔三輔河內河東上黨

趙國太原理舊渠

以本紀修

解題曰水經注智伯遏晉水以灌晉陽後人踵其遺
跡蓄以為沼分為二派北瀆即智氏故渠其瀆乘高
東北注入晉陽城以灌溉東南出城注於汾水今所
修渠即此

三月零昌寇益州

以本紀修

夏四月丙午立貴人閭氏為皇

后

本紀

解題曰袁宏曰閭氏滎陽人暢之女也

五月旱蝗

以本紀修

秋九月壬午晦日有食之

以本紀

冬十月遣

中郎將任尚屯三輔乙未右扶風仲光等與先零戰於

丁奚城敗沒

以本紀修

解題曰李賢曰丁奚城在北地靈州

以懷令虞詡為武都太守

以列傳修

十一月庚申地震

以本紀修

漢孝安皇帝元初三年春二月地震

以本紀修

三月辛亥日

有食之

以本紀

解題曰本志月二日也

夏四月壬寅封皇后父暢為北宜春侯

以列傳修

五月癸酉

度遼將軍鄭遵率南匈奴擊先零羗於靈州破之

解題曰李賢曰靈州縣屬北地郡故城在今慶州馬

嶺縣西北

六月任尚遣兵破先零羗於丁奚城

以本紀修

冬十一月丙

戌初聽大臣二千石刺史行三年喪

本紀

解題曰詔大臣得行三年喪服闋還職尚書陳忠因

此上言孝宣皇帝舊令人從軍屯及給事縣官者大
父母死未滿三月皆勿徭令得葬送請依此制太后
從之建光中尚書令祿諷尚書孟異等以為孝文定
約禮之制光武絕告寧之典貽則萬世誠不可改宜
復建武故事忠上疏曰臣聞孝經始於愛親終於哀
戚上自天子下至庶人其義一也夫父母於子三年
乃免於懷抱先聖緣人情而著其節制服二十五月
高祖受命蕭何創制大臣有告寧之科合於致憂之

義建武之初新承大亂凡諸國政多趨簡易大臣既不得告寧而郡司營祿念私鮮循三年之喪以顧報復之恩者禮義之方實為彫損官豎不便之竟從諷議遂著於令

地震

以本紀修

十二月任尚遣兵破先零羌於北地

以本紀修

漢孝安皇帝元初四年春二月乙巳朔日有食之

以本紀修

成武庫災

以本紀修

夏四月戊申司空袁敞以失鄧氏肯自殺

以列傳修

解題曰鄧隲辭讓范曙謂其忠勞王室然表敞以不
阿權勢失旨陳寵以不奉禮而不平豈非富貴生不
仁沈溺致愚疾歟事見通鑑

己巳鮮卑寇遼西郡兵與烏桓擊破之

以本紀修

解題曰李賢曰遼西郡故城今平州東陽縣樂城是

六月雨雹如杯

以本紀修

秋九月護羌校尉任尚使客刺殺

零昌

以本紀修

冬十二月甲子任尚等與先零羌狼莫戰於

富平上河大破之虔人羌降

以本紀修

解題曰富平上河縣屬北地郡故城在今靈州回樂

縣西南水經注河水於此有上河之名

杜佑曰寧州彭原縣後漢

富平縣地西魏置蔚州後置靈州

東觀記曰虔人種羌大豪恬狼等

詣度遼將軍降

是歲雨水地震

以本紀修

漢孝安皇帝元初五年夏六月高句驪滅貊冠玄菟

以本

紀修

解題曰滅北與高句驪沃沮南與辰韓接東窮大海

西至樂浪濊及沃沮句驪本皆朝鮮之地

秋八月丙申朔日有食之

紀本

鮮卑寇代郡冬十月寇上

谷

紀本

鄧遵使羌雕何刺殺狼莫封武陽侯任尚坐爭

功十二月徵棄市

紀本

解題曰任尚嘗殺零昌矣止三伯戶亭侯耳而鄧遵

以殺狼莫封三千戶此其所以爭功也事見通鑑

是歲地震

紀本

漢孝安皇帝元初六年春二月乙巳地震水涌

紀本秋

七月鮮卑寇馬城鄧遵率南單于擊破之

以本紀表
宏漢紀修

解題曰李賢曰馬城縣屬代郡故城在今靈州定襄

縣

十二月戊午朔日有食之既

以本紀修

北匈奴役屬西域至

是車師鄯善來降

以呂祖謙
標目修

漢孝安皇帝永寧元年春三月北匈奴率車師後王殺

燉煌司馬索班等復置西域副校尉

以列傳修

沈氏羌寇張

掖

紀本

解題曰李賢曰續漢志曰羌在上郡西河者號沈氏

夏四月丙寅立子保為皇太子改元以本紀修六月護羌校

尉馬賢擊沈氏於鸞鳥破之以本紀修

解題曰李賢曰鸞鳥縣屬武威郡故城在今涼州昌

松縣北鸞音崔

秋七月乙酉朔日有食之紀本冬十二月遼西鮮卑降紀本

癸酉以太常楊震為司徒以本紀修

解題曰震明經博覽無不窮究不答州郡禮命年五

十始仕州郡大將軍鄧騭聞其賢而辟之舉茂才四
遷荊州刺史東萊太守元初四年為太僕遷太常餘
見通鑑胡寅曰鄧騭推達賢能自其美操要之女主
擅朝彼貴戚也被其薦者宜有去就之分豈可苟哉
震不荅州郡禮命數十年一旦幡然為騭而起其處
義殆未精矣

越騎校尉鄧康免

以列傳修

是歲大風雨水地震

以本紀修

大事記續編卷十三

欽定四庫全書

大事記續編卷十四

明 王禕 撰

漢孝安皇帝建光元年春正月幽州刺史討高句驪滿

猶不克

以本紀修

三月癸巳皇后鄧氏崩

本紀

解題曰范曄論曰孝安雖稱尊享御而權歸鄧氏至
乃損徹膳服克念政道然令自房帷威不逮遠始失
根統歸成陵敝遂復計金授官移民逃寇推咎台衡
以咎天眚既云哲婦亦惟家之索矣

鄧騭位特進封上蔡侯

以列傳修

帝始親政事戊申追尊清

河孝王曰孝德皇皇妣左氏曰孝德后祖妣宋貴人曰

隱敬后

以通鑑本紀修

長樂太僕蔡倫自殺

以列傳修

夏四月減貆

鮮卑寇遼東

以本紀修

徵薛包為侍中不拜

以通鑑修

解題曰包父娶後妻而憎包分出之包日夜號泣不

去至被毆杖不得已乃廬於舍外旦入灑掃父怒之

又逐之乃廬於里門晨昏不廢居歲餘父母慙而還

之餘見通鑑呂祖謙曰大抵暴戾之性凡人有此根

者終必發露惟其本無者雖屢撓而莫能有薛苞之
事父母自常人之心父母逐之至再至三則必有不
能忍者今苞終不能去而昏晨之奉益勤蓋無暴戾
之根故也

遣鄧騭就國廢西平侯鄧廣宗西華侯鄧忠等五人為
庶人廣宗及忠皆自殺五月騭與子鳳從弟河南尹豹
舞陽侯遵將作大匠暢皆自殺

以紀
傳修

解題曰鄧氏臨朝約已為民號為賢后然安帝之齒

長矣而不復子明辟使之蓄忿留恨雖微宮人之誣
吾猶為鄧宗危之也朱寵上疏謂利口傾險反亂國
家彼小人離閒人之子母者亦可畏哉事見通鑑

丙申貶平原王翼為都鄉侯

以傳紀修

大司農朱寵訴鄧氏

廷尉陳忠劾免之

以列傳修

解題曰陳忠不得志於鄧氏隲等敗忠為尚書數上
書陷成其惡大司農朱寵與櫬上疏追訟隲帝意頗
悟忠劾寵餘見通鑑陳瓘曰陳忠不肖人也其父燕

通經書奏議溫粹而忠以私滅公導人主於有過之地險薄不肖不亦甚哉

以牟平侯耿寶為羽林左軍車騎封宋楊子四人為列侯皇后兄宜春侯閭顯及其弟景耀晏為鄉侯典禁兵

以本紀修

解題曰陳瓘曰鄧氏七人死不以命而宋氏之四子封侯諸閭並為卿校矣事見通鑑

封中黃門江京李閔為侯京等與中常侍樊豐帝乳

母王聖聖女伯榮通姦賂楊震論之不省

以列傳修秋七月

己卯改元

以本紀修

燒當羌麻奴復反八月馬賢擊之不利

以本紀修

九月鮮卑圍烏桓校尉於馬城度遼將軍耿种救

之

以本紀修

戊子帝幸衛尉馮石府

以本紀修

雨水冬十一月地

震裂除今年田租

以本紀修

庚子復斷二千石以上三年喪

以本紀修

初置漁陽營兵

以本紀修

十二月高句驪滅貊圍玄菟城

以本紀修

漢孝安皇帝延光元年春三月丙午改元

以本紀修

夏四月

癸未雨雹

紀以本修

六月蝗

紀以本修

秋七月高句驪降

紀本

八月

陽陵園寢火

紀以本修

冬十月鮮卑寇鴈門定襄十一月寇

太原

紀以本修

燒當羗降

紀以本修

是歲雨水大風地震

紀以本修

漢孝安皇帝延光二年夏四月戊子爵王聖為野王君

以列傳修

解題曰朱熹曰當時大勢如人衰老百病交作小小

變動便成大疾如乳母如單超徐璜如張讓趙忠畧

有權柄便須擾亂此何等時耶餘見通鑑

北匈奴與車師寇河西以軍司馬班勇為西域長史屯

柳中

以列傳修

秋七月丹陽山崩

本紀

冬十月甲戌以楊震為

太尉時為王聖修第震上疏論之不聽

以呂祖謙標目修

聘處

士周燮馮良不至

以朱熹綱目修

是歲大風雨水地震

以本紀修

漢孝安皇帝延光三年二月丙子帝東狩辛卯幸泰山

柴告岱宗壬辰祀五帝於明堂三月戊戌祀孔子及七

十二弟子於闕里壬戌還京師幸太學

以本紀修

楊震免遣

歸本郡自殺

以紀傳修

鮮題曰樊豐謝暉等見震切諫不從無所顧忌遂詐作詔書調發司農錢穀大匠見徒材木各起冢舍園池廬觀役費無度會東狩岱宗豐等因乘輿在外競修第宅震部掾高舒召大匠令史考校之得豐等所詐下詔書具奏須行還上之豐等惶怖會太史言星變逆行遂共譖震及車駕行還夜遣使者策收震太尉印綬於是柴門絕賓客豐等復惡之復請大將軍耿寶寶為大鴻臚明年始為大將軍范史誤也奏震大臣不服罪懷恚望有

詔遣歸本郡高舒亦得罪以減死論餘見通鑑葉適
曰兩漢之衰大臣與小人爭不勝而死亡者蕭望之
王商王嘉袁安楊震李固陳蕃七人者皆其國之所
以存亡也孔子曰天子有爭臣七人雖無道不失其
天下又曰所謂大臣者以道事君不可則止又曰無
求生以害仁有殺身以成仁又曰民之於仁也甚於
水火水火吾見蹈而死者矣未見蹈仁而死者也叅
以數端大節可見

夏四月戊辰以光祿勳馮石為太尉

以本紀修

南單于檀死

弟拔立

以列傳修

六月鮮卑寇玄菟

本紀

庚午閭中山崩

本紀

解題曰李賢曰閭中縣屬巴郡今隆州縣

秋八月辛巳以大鴻臚耿寶為大將軍

以本紀修

九月丁酉

廢皇太子保為濟陰王太僕來歷等詣鴻都門連日諫

尚書令陳忠奏免歷官

以本紀修

解題曰皇太子驚病不安避幸安帝乳母王聖舍太

子乳母王男厨監邴吉等以為聖舍新繕修犯土禁

不可久御聖及其女永江京樊豐王男邴吉等互相是非聖永遂誣諧男吉皆幽囚死太子思男等數為

太息京豐懼有後害妄造虛無讒構太子

閭后傳后與江京樊

豐等共諧

皇太子及東宮官屬帝怒召公卿以下會議廢立

耿寶等承旨皆以為當廢歷與太常桓焉廷尉張皓議曰經說年未滿十五過惡不在其身且男吉之謀皇太子容有不知宜選忠良保傅輔以禮義廢置事重此誠聖恩所宜宿留帝不從是日遂廢太子為濟

陰王時監太子家小黃門籍建中傅高梵等皆徙朔
方厯乃要結光祿勳殺諷宗正劉瑋將作大匠薛皓
侍中閭邱弘陳光趙代施延太中大夫朱偁第五顏
中散大夫曹成諫議大夫李尤符節令張敬侍書侍
御史龔調羽林右監孔顯城門司馬徐崇衛尉守丞
樂闡長樂未央廐令鄭安世等俱詣鴻都門證太子
無過龔調據法律明之以為男吉犯罪皇太子不當
坐御史之職如此帝與左右患之乃使中常侍奉詔脅羣臣

曰父子一體天性自然以義割恩為天下也歷諷等
不識大典而與羣小共為謹議外見忠直而內希後
福飾邪違義豈事君之禮朝廷廣開言事之路故且
一切假貸若懷迷不反當顯明刑書諫者莫不失色
乃各稍自引起歷獨守闕連日不肯去帝大怒乃免
歷兄弟官餘見通鑑安帝惟一子耳因其乳媪而廢
之者由來歷之諫不獲伸也唐德宗亦惟一子因其
妻母欲廢之然尋止者由李泌之論得伸也使漢之

三公有如李泌漢之羣僚皆如來歷安有濟陰之事
耶德宗謂貞觀開元皆易太子何故不亡益知祖宗
詒厥之道不可不謹東漢至孝安纔五君耳而廢太
子者三光武安得不任其咎哉

庚申晦日有食之

紀本

冬十月帝幸長安閏月乙未祠廟

陵十一月乙丑至自長安

紀本

是歲地震雨水風雹

紀本

修紀

漢孝安皇帝延光四年春二月甲辰帝南狩

紀本

三月

戊午朔日有食之

紀本

庚申帝幸宛不豫而還丁卯崩於

葉庚午還宮辛未尊皇后為皇太后臨朝

解題曰蔡邕獨斷曰少帝即位太后即代攝政臨前
殿朝羣臣太后東面少帝西面羣臣奏事上書皆為
兩通一詣后一詣少帝餘見通鑑

大鴻臚閭顯為車騎將軍定策禁中立章帝孫濟北王
壽子北鄉侯懿乙酉即皇帝位夏四月馮石為太傅司
徒劉喜為太尉叅錄尚書事

以本紀修

辛卯耿寶樊豐王聖

等坐阿黨豐下獄死寶自殺聖母子徙雁門

以本紀修

解題曰豐等媚事閹顯共爭太子情好方篤及顯專

朝遽至爭權顯挾太后之重此豐等所以死徙也連

雞不俱栖信哉事見通鑑

己酉葬孝安皇帝於恭陵

以本紀修

秋七月班勇擊車師後

王斬之

以本紀修

冬十月丙午越雋山崩

以本紀修

辛亥少帝薨閹

顯及江京等秘不發喪閉宮門屯兵十一月丁巳地震

中黃門孫程等十九人斬京等迎濟陰王於德陽殿下

即皇帝位登南宮雲臺屯兵南北宮門衛尉閻景率兵入北宮尚書郭鎮斬之遣使者取璽綬戊午帝幸嘉德殿顯及其弟城門校尉耀執金吾晏皆伏誅罷屯兵遷

太后於離宮

以本紀修

解題曰十月二十七日北鄉侯薨閻顯白太后徵諸王子簡為帝嗣未及至十一月二日孫程遂與中黃

門王康等十八人聚謀於西鍾下

漢官儀崇賢門內德陽殿表宏漢記

太子廢居於德陽殿西鍾下

皆截單衣為誓四日夜程等共會崇

德殿上因入章臺門

東京賦既新崇德遂作德陽皆北宮也崇德在東德陽在西相

去五十步北宮有章臺門殿門也

時江京劉安及李閔陳達等俱坐

省門下程與王康共就斬京安達以李閔權執積為省內所服欲引為主因舉刃脅閔曰今當立濟陰王無得動搖閔諾於是扶閔起俱於西鍾下迎濟陰王

立之召尚書令僕射以下

尚書令僕射與中黃門之屬皆屬少府令僕射各一

人尚書六人左右丞各一人侍郎三十六人令史二十一人

從輦幸南宮雲臺

時太

后在北宮故帝自北宮幸南宮雲臺登臺據高臨下然後號召百官也

召公卿百僚使

虎賁羽林士屯南北宮諸門程等守省門遮扞內外
閤顯時在禁中憂迫不知所為小黃門樊登勸顯發

兵以太后詔召越騎校尉馮詩

顯為車騎將軍兵柄屬之景為衛尉衛士

屬之耀為城門校尉城門兵屬之晏為執金吾緹騎屬之崇為虎賁中郎將期門屬之獨北軍五營未有所屬故召馮詩及詩歸營屯守而閤氏敗失虎賁中郎將閤崇屯朔平門

北宮北門曰朔平

以禦程等誘詩入省太后授之印曰能得

濟陰王者封萬戶侯得李閤者五千戶侯顯以詩所將衆少使與登迎吏士於左掖門外詩因格殺登歸

營屯守顯弟景遽從省中還外府收兵至盛德門景為

衛尉當時虎賁羽林雖已為孫程用必有番休在外者馮詩歸營自守景窘急遂還外府收兵欲入北宮

也程傳召諸尚書使收景尚書郭鎮時卧病聞之即

率直宿羽林出南上東門逢景從吏士拔白刃呼曰

無干兵鎮即下車持節詔之景曰何等詔因斫鎮不

中鎮引劒擊景墮車左右以戟叉其胷遂禽之送廷

尉獄夜死旦日遣使者入省奪得璽綬乃幸嘉德殿

南宮有嘉德殿洛陽記殿在九龍門內

令侍御史收顯等送獄袁宏漢記使御

史諸崇德殿
收顯等親族

於是遂定北鄉侯病司徒李邵陰與少

府陶範步兵校尉趙直謀立順帝會程等事先成故

邵功不顯明年坐吏民疾病賜策免將作大匠翟酺

上邵潛圖大計以安社稷於是錄陰謀之功封邵涉

都侯辭讓不受

餘見通鑑

己卯葬少帝

以本紀修

辛巳封孫程等為侯以將作大匠來

厯為衛尉

以列傳袁宏漢記修

十二月改葬故太尉楊震祀以中

牢

以朱熹綱目修

京師大疫

本紀

漢孝順皇帝永建元年春正月帝朝太后於東宮辛未

太后崩

紀以傳修

辛巳馮石劉熹免

紀以本修

二月丙戌太常桓

焉為太傅大鴻臚朱寵為太尉參錄尚書事

以呂祖謙標目修

鍾羌反馬賢討破之

紀以本修

秋七月庚午來歷為車騎將

軍

紀以本修

八月鮮卑寇代郡

紀本

司隸校尉虞詡按中常侍

張防坐輸作左校浮陽侯孫程等救之乃赦之

以列傳修

鮮題曰中常侍張防特用權勢每請托受取詡輒按

之甚而屢寢不報詡不勝其憤乃自繫廷尉防流涕

訴帝詔坐論輸左校防必欲害之二日之中傳考四
獄宦者孫程張賢等知詔以忠獲罪乃相率乞見程
曰陛下始與臣等造事之時常疾姦臣知其傾國今
日即位而復自為何以非先帝乎司隸校尉虞詡為
陛下盡忠而更被拘繫常侍張防賊罪明正反構忠
良今客星守羽林其占宮中有姦臣宜急收防送獄
以塞天變下詔出詔還假印綬時防立在帝後程叱
防曰姦臣張防何不下殿程曰陛下急收防無令從

阿母求請

李賢曰阿母宋娥也

帝問諸尚書尚書賈朗素與防

善證詡之罪帝疑焉於是詡子顗與門生百餘人舉

幡候中常侍高梵車叩頭流血訴言枉狀梵乃入言

防坐徙邊賈朗等或死或黜即日赦出詡程復上書

陳詡有大功語甚切激帝感悟復徵拜議郎數日遷

尚書僕射餘見通鑑虞詡得罪而論救之者乃出於

孫程張賢之口時事可知矣

孫程等坐爭功免官十九侯俱就國

以列傳修

九月初令三

公尚書入奏事

紀本

冬十月鮮卑犯邊增置邊郡步兵

本

紀修

漢孝順皇帝永建二年春二月鮮卑寇遼東玄菟護烏

桓校尉耿曄率南單于擊鮮卑破之

紀以本

三月旱

紀以本

夏六月乙酉追尊母李氏為恭愍皇后

紀以本

班勇及燉

煌太守張朗討焉耆尉犂尼須破之勇後期徵下獄免

紀以本

秋七月甲戌朔日有食之

紀本

壬午朱寵免

以呂祖譙標目

修

徵處士樊英為五官中郎將尋稱病詔以光祿大夫

歸在所致穀羊酒英辭位時又徵賀純楊厚黃瓊為議

郎

以列傳表宏漢
紀謝承書修

解題曰英字季齊南陽人少習京氏易兼明五經隱

於壺山之陽

李賢曰山在今
鄧州新城縣北

受業者四方而至州郡

禮請不應公卿舉賢良方正有道皆不行安帝初徵

為博士建元二年復詔公車賜策書徵不至策書備

禮玄纁徵之復固辭詔切責郡縣駕載上道英到京

稱病不肯起雖與入殿猶不以禮屈帝怒謂英曰朕

能生君能殺君能貴君能賤君能富君能貧君君何以慢朕命英曰臣受命於天生盡其命天也死不得其命亦天也陛下焉能生臣焉能殺臣臣見暴君如見仇讐立其朝猶不肯可得而貴乎雖在布衣之列環堵之中晏然自得不易萬乘之尊又可得而賤乎陛下焉能貴臣焉能賤臣臣非禮之祿雖萬鍾不受若申其志雖簞食不厭陛下焉能富臣焉能貧臣帝不能屈使出就太醫養疾四年天子乃為英設壇令

公車令藁尚書奉引賜几杖待以師傅之禮延問得
失拜五官中郎將數月稱疾篤詔以為光祿大夫賜
告歸令在所送穀千斛常以八月致牛酒英辭位不
受有詔譬旨勿聽河南張楷與英俱徵既而謂英曰
天下有二道出與處也吾前以子之出能輔是君也
濟斯人也而子始以不訾之身怒萬乘之主及其享
受爵祿又不聞匡救之術進退無所據矣賀純楊厚
黃瓊俱公車徵李固素慕於瓊乃以書逆遺之曰君

子謂伯夷隘柳下惠不恭不夷不惠可否之間蓋聖
賢居身之所珍也誠遂欲枕山棲谷擬跡巢由斯則
可矣若當輔政濟民今其時也自生民以來善政少
而亂俗多必待堯舜之君此為志士終無時矣嘗聞
語曰峴峴者易缺皦皦者易汙陽春之曲其和必寡
盛名之下其實難副近樊君初至朝廷設壇席猶待
神明雖無大異而言行所守亦無所缺而毀謗布流
應時折減者豈非觀聽望深聲名太盛乎自頃徵聘

之士胡元安薛孟嘗朱仲昭顧李鴻其功業皆無所
採是故俗論皆言處士純盜虛聲顧先生弘此遠謨
令衆人歎服一雪此言耳

左雄論守相長吏數易帝乃申無故去官之禁既而不
能行

以列傳修

漢孝順皇帝永建三年夏六月旱

以本紀修

秋七月丁酉茂

陵園寢災

以本紀修

九月鮮卑寇漁陽

以本紀修

冬十二月己亥桓

焉免

以本紀修

是歲來厯罷

以本紀修

南單于拔死弟休立

以列

傳徵孫程等還以列傳修

漢孝順皇帝永建四年春正月丙子帝加元服以本紀修夏

五月壬辰桂陽太守獻大珠還之以本紀修雨水本紀秋九月

復安定北地上郡舊治以本紀修癸酉以大鴻臚龐參為太

尉錄尚書事太常王龔為司空以呂祖謙標目修冬十一月鮮


卑寇朔方以本紀修是歲分會稽為吳郡本紀

漢孝順皇帝永建五年夏蝗以本紀修

漢孝順皇帝永建六年春三月辛亥復伊吾屯田置司

馬以本紀修秋九月辛巳起太學以本耿曙擊鮮卑破之以本

修紀



大事記續編卷十四